

*rationem laudatus nobis Plutarchus suppeditat, αἱ πλεῖσαι νόσου
καθάπερ προαγγέλλας καὶ προδρόμους καὶ κήρυκας ἔχουσιν ἀπε-
ψίας καὶ δυσκινήσιος (plurimorū morborum anteambulones
& certos esse nuncios. Dicit, si quis rectè non concoquat & diffi-
cultatem motus sentiat): ita mala & neglecta juventutis insti-
tutio prodromus est omnium morborum in Politiâ. Gravatum hæc
conceduntur, sed plerunq; evenit id, quod agrotaturo apud eum-
dem Plutarchum, qui ἀισχυρόμεν & ἀπεψίαν ὁμολογήσαι τή-
μερον, ἀυριον ὁμολογήσει καὶ ἀρροίαν ἢ πυρελὸν ἢ σρόφον, erubesci-
mus hodie fateri prævum stomachum, cras cogemur conqueri aut
de profluvio, aut febre, aut intestinis circa umbilicum tortis; hos
enim morbos invehere solet illa cruditas, quæ propriè juxta Gor-
raum δυσπεψία dicitur. Causas itaq; habuerit necesse est Caspar
Dornavius, quòd ita loco sæpius laudato conqueratur. " Ut ven-
ter quamquam contemnitur, corpori tamen alimoniam parat; sic
ordo Scholasticus despicitur cùm sit Reipublicæ fundamentum ". "
Hæc in rubro; subjungit in nigro ". An Scholis parcere solent ii,
quorū omnes deliciae in acerbis dietariis sitæ sunt? Otii arguuntur
& desidia & vilitatis & sordiū, quicunq; vel docendo vel discendo
scholis operantur: neq; animadvertunt illi nugarum architecti,
non esse contemnenda quasi parva, sine quibus magna constare
non possunt. Quæ est enim alia officina pietatis, doctrine, virtutis,
ex quo alio fonte purus putus Dei cultus omnisq; honestatis ema-
net? nisi Magistratus honestè habeat doctores, qui eruditionem
pueris instillent prudenter, pietatē religiosè, qui severitatē mode-
ratione ad disciplinā temperent. Hæc ille. Subjungeret Taubmanq;
nunc ite, viaticum habetis.*

Sed